

**ODLUKU
O DAVANJU SAGLASNOSTI NA STATUT O
IZMJENAMA I DOPUNAMA STATUTA ZAVODA
ZDRAVSTVENOG OSIGURANJA KANTONA
SARAJEVO**

I

Daje se saglasnost na Statut o izmjenama i dopunama Statuta Zavoda zdravstvenog osiguranja Kantona Sarajevo, broj 01/2-02-2-20969-15/21 od 29.12.2021. godine, koji je sastavni dio ove Odluke.

II

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 01-04-5640/22 22. februara 2022. godine Sarajevo	Predsjedavajući Skupštine Kantona Sarajevo Elvedin Okerić, s. r.
---	---

Na osnovu člana 96. stav 2., a u vezi sa članom 103. stav 1. Zakona o zdravstvenom osiguranju FBiH ("Službene novine Federacije BiH", br. 30/97, 70/02, 70/08, 48/11 i 36/18), člana 8. stav 3. Odluke o osnivanju Zavoda zdravstvenog osiguranja Kantona Sarajevo ("Službene novine Kantona Sarajevo", br. 7/98 i 30/07), te člana 63. Statuta Zavoda zdravstvenog osiguranja Kantona Sarajevo, Upravni odbor Zavoda zdravstvenog osiguranja Kantona Sarajevo, na 7. redovnoj sjednici održanoj 29.12.2021. godine, donosi

**STATUT
O IZMJENAMA I DOPUNAMA STATUTA ZAVODA
ZDRAVSTVENOG OSIGURANJA KANTONA
SARAJEVO**

Član 1.

(Izmjena člana 6.)

U članu 6. briše se stav 2.

Član 2.

(Izmjena člana 13.)

U članu 13. stav 3. mijenja se i glasi:

"Stručna služba Zavoda obavlja svoju djelatnost u četiri (4) osnovne organizacione jedinice i to: Sektor pravnih poslova sa pet poslovnica i to: Gradska poslovnica Sarajevo, Poslovnica Hadžići, Poslovnica Ilidža, Poslovnica Ilijaš i Poslovnica Vogošća; Sektor za ekonomiku i finansiranje, Sektor za medicinske i farmaceutske poslove, i Jedinica interne revizije. Rad Stručne službe odvija se i kroz ostale samostalne organizacione jedinice koje nemaju karakter osnovnih, ali su poslovi vezani za Zavod kao cijelinu i iste su utvrđene Pravilnikom o unutrašnjoj organizaciji i sistematizaciji Stručne službe Zavoda zdravstvenog osiguranja Kantona Sarajevo."

Član 3.

(Izmjena člana 14.)

U članu 14. dodaje se stav 4. koji glasi:

"U jedinici interne revizije obavljaju se poslovi interne revizije u skladu sa važećim zakonskim i podzakonskim propisima u oblasti interne revizije, te Poveljom interne revizije."

Član 4.

(Izmjena člana 15.)

U članu 15. stav 1. mijenja se alineja 8. na način da se u istoj brišu riječi "kontrola, likvidacija i plaćanje računa za zdravstvene usluge", te riječi "likvidacija i plaćanje odnosno".

U članu 15. stav 1. alineja 9. "evidencije izdatih lijekova" se briše.

Član 5.

(Izmjena člana 20.)

U članu 20. mijenja se stav 3. koji glasi:

"Godišnji izvještaj o radu i finansijskom poslovanju Zavoda sadrži: izvještaj o radu direktora, izvještaj upravnog odbora, izvještaj o finansijskom poslovanju sa mišljenjem ovlaštenog revizora, a sve u skladu sa Poglavljem IV člana XIII Odluke o metodologiji izrade i donošenja programa rada i izvještaja o rada Vlade Kantona Sarajevo i kantonalnih organa ("Službene novine Kantona Sarajevo", br. 23/21)."

Član 6.

(Izmjena člana 24.)

U članu 24. mijenja se stav 1. koji glasi:

"Za direktora Zavoda može se imenovati lice koje pored opštih uslova utvrđenih zakonom mora imati stečenu diplomu visokog obrazovanja i to najmanje VII stepen stručne spreme visokog obrazovanja (po predbolonjskom obrazovnom sistemu), odnosno visoko obrazovanje prvog (i drugog) ciklusa Bolonjskog sistema studiranja koji se vrednuje sa najmanje 240 ECTS iz oblasti društvene ili medicinske univerzitetske naučne grupacije (po Bolonjskom sistemu obrazovanja), kao i tri godine radnog iskustva na poslovima u oblasti zdravstvenog osiguranja i zdravstvene zaštite. Sva lica (uz izuzetak onih sa završenim ekonomskim fakultetom) trebaju imati završenu dodatnu edukaciju iz ekonomskih nauka u trajanju od najmanje jedine godine (ili dva semestra ili 60 ECTS) ili zdravstvenog menadžmenta (nivo SHCE 3)."

Član 7.

(Izmjena člana 26.)

Član 26. mijenja se i glasi:

"Nadzor nad zakonitošću rada Zavoda obavlja nadležni organ uprave Kantona Sarajevo."

Član 8.

(Izmjena člana 27.)

Član 27. mijenja se i glasi:

"Izvještaj o obavljenom nadzoru nadležni organ uprave Kantona Sarajevo dostavlja Osnivaču."

Član 9.

(Izmjena člana 58.)

Član 58. mijenja se i glasi:

"Zavod ostvaruje javnost rada u skladu sa važećim Zakonom o objavljivanju propisa i drugih općih akta u "Službenim novinama Kantona Sarajevo" i važećim podzakonskim propisima koji regulišu predmetnu oblast. Zavod će u službenim novinama obavezno objavljivati Statut i druge opće akte.

Zavod javnost rada ostvaruje i putem web stranice na kojoj obavezno, ali ne i isključivo, u okviru rubrike javnost rada objavljuje:

- Statut i druge opće akte;
- odgovore na postavljena pitanja zastupnika zakonodavnih i/ili predstavničkih tijela svih nivoa vlasti koja se odnose na djelokrug rada Zavoda;
- mišljenja koja pribavi Zavod ili koje nadležne institucije daju o pojedinim pitanjima iz djelokruga rada Zavoda;
- izvještaje o radu Zavoda;
- finansijske planove Zavoda;
- izvještaje revizorskih kuća o poslovanju Zavoda;

- informacije o sjednicama Upravnog odbora Zavoda, sa navođenjem dnevnog reda sjednica;
- druge informacije od značaja za javnost."

Član 10.

(Izmjena člana 71.)

Član 71. stav 1. mijenja se i glasi:

"Zavod je dužan donijeti:

- Pravilnik o organizaciji i sistematizaciji poslova Stručne službe Zavoda,
- Pravilnik o radu,
- Pravilnik o poslovnoj tajni,
- Pravilnik o zaštiti od požara,
- Pravilnik o radnom učinku,
- Pravilnik o zaštiti na radu,
- Pravilnik o stambenim odnosima,
- Pravilnik o provođenju Zakona o zaštiti ličnih podataka.
- Pravilnik o kancelarijskom poslovanju,
- Pravilnik o arhivskom poslovanju,
- Pravilnik o finansijskom poslovanju,
- Pravilnik o blagajničkom poslovanju,
- Računovodstvene politike.

Član 11.

(Stupanje na snagu)

Ovaj Statut o izmjenama i dopunama Statuta će se objaviti u "Službenim novinama Kantona Sarajevo" nakon dobijanja saglasnosti Skupštine Kantona Sarajevo i stupa na snagu narednog dana od dana objavljivanja.

Broj 01/2-02-2-20969-15/21

29. decembra 2021. godine

Sarajevo

Predsjednica

Upravnog odbora

Prof. dr. **Jasmina Selimović**, s. r.

Vlada Kantona Sarajevo

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćen tekst i broj 37/14 - Ispravka) Vlada Kantona Sarajevo, na 65. sjednici održanoj 17.02.2022. godine, donijela je

ODLUKU

O ODOBRAVANJU UNOSA PROJEKATA MINISTARSTVA ZA ODGOJ I OBRAZOVANJE U PROGRAM JAVNIH INVESTICIJA KANTONA SARAJEVO 2022.-2024. GODINA

I

Odobrava se unos projekata Ministarstva za odgoj i obrazovanje u Program javnih investicija Kantona Sarajevo 2022.-2024. godina, i to:

- Izgradnja fiskulturne sale OŠ "Džemaludin Čaušević";
- Izgradnja fiskulturne sale OŠ "Vladislav Skarić";
- Dogradnja OŠ "Zahid Baručija";
- Nabavka opreme za osnovne i srednje škole - opremanje kabineta fizike, hemije i biologije;
- Nabavka računarske opreme;
- Izgradnja mrežnih kapaciteta za potrebe informatizacije škole;
- Rekonstrukcija vrtića "Kolibri" Novo Sarajevo;
- Rekonstrukcija Srednje tehničke škole grafičkih tehnologija, dizajna i multimedije;
- Rekonstrukcija OŠ "Aleksa Šantić";

- Rekonstrukcija OŠ "Avdo Smailović".

II

Za realizaciju ove odluke zadužuju se Ministarstvo za odgoj i obrazovanje Kantona Sarajevo, Ministarstvo finansija Kantona Sarajevo i Zavod za planiranje razvoja Kantona Sarajevo, svako u okviru svoje nadležnosti.

III

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-04-4108-5/22

17. februara 2022. godine

Sarajevo

Premijer

Edin Forto, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), Vlada Kantona Sarajevo, na 172. vanrednoj sjednici održanoj 24.02.2022. godine, donijela je

ODLUKU

O EVIDENTIRANJU OBAVEZA PO IZVRŠNIM SUDESKIM RJEŠENJIMA PO OSNOVU TUŽBI UPOSLENIKA IZ RADNOG ODNOSA

I

Odobrava se evidentiranje obaveza po izvršnim sudskim rješenjima po osnovu tužbi uposlenika iz radnog odnosa sa stanjem na dan 31.12.2021. godine, kako je sadržano u Izvještaju Centralne komisije za popis sredstava, obaveza i potraživanja Kantona Sarajevo usvojen Zaključkom Vlade Kantona Sarajevo, broj 02-04-6349-1/22 od 24.02.2022. godine.

II

Zadužuje se Ministarstvo finansija da u skladu sa tačkom I ove odluke, a na osnovu Izvještaja Centralne komisije za popis sredstava, obaveza i potraživanja Kantona Sarajevo, poduzme slijedeće aktivnosti:

- Izvrši unos operativnih sredstva za obaveze iz tačke I ove odluke.
- Obaveze iz tačke I ove odluke evidentirati u Glavnoj knjizi Trezora.

III

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-04-6349-3/22

24. februara 2022. godine

Sarajevo

Po ovlaštenju premijera

Ministar

Davor Čičić, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) i člana 14. stav (3) Zakona o izvršavanju Budžeta Kantona Sarajevo za 2022. godinu ("Službene novine Kantona Sarajevo", broj 5/22), Vlada Kantona Sarajevo, na 65. sjednici održanoj 17.02.2022. godine, donijela je